

e-Buletin



KEMENTERIAN KESIHATAN MALAYSIA

Penyayang • Profesionalisme • Kerja Berpasukan

Edisi Oktober 2016

HOSPITAL SULTANAH AMINAH TERBAKAR

M/S1



Sambutan Hari Sukan Negara
Kementerian Kesihatan Malaysia
M/S1



Majlis Konvokesyen 2016
ILKKM Zon Perak & Sabah
M/S2



Seminar & Workshop
Ibadah Friendly Hospital
M/S2



<http://www.moh.gov.my>

[www.facebook.com/pages/
kementerian-kesihatan-malaysia](http://www.facebook.com/pages/kementerian-kesihatan-malaysia)

<http://twitter.com/kkmputrajaya>

[http://www.youtube.com/
kementeriankesihatan](http://www.youtube.com/kementeriankesihatan)

[http://instagram.com/
kementeriankesihatanmalaysia](http://instagram.com/kementeriankesihatanmalaysia)

MELAWAT LOKASI KEJADIAN KEBAKARAN HOSPITAL SULTANAH AMINAH (HSA)

Tarikh: 25 Oktober 2016

Tempat: Johor Bahru, Johor

YAB Datuk Seri Ahmad Zahid bin Hamidi, Timbalan Perdana Menteri telah mengadakan lawatan ke lokasi kejadian kebakaran di Hospital Sultanah Aminah ekoran berlaku kebakaran di Unit Rawatan Rapi (ICU) yang diiringi oleh YB Datuk Seri Dr. S. Subramaniam, Menteri Kesihatan. Turut hadir ialah YBhg. Dato' Seri Dr. Chen Chaw Min, KSU dan YBhg. Datuk Dr. Noor Hisham Abdullah, KPK. Kejadian tersebut telah mengorbankan 6 nyawa yang merupakan pesakit di wad tersebut dan 3 warga kerja KKM telah dimasukkan ke wad ICU di Hospital Sultan Ismail. Oleh itu, sebuah jawatankuasa khas ditubuhkan bagi menyasiat kejadian tersebut. YBMK mengucapkan takziah kepada ahli keluarga mangsa yang terlibat dan berharap agar keluarga mangsa tabah dan sabar menghadapinya.



SAMBUTAN HARI SUKAN NEGARA KKM



Tarikh: 8 Oktober 2016

Tempat: IPKKM, Putrajaya

YB Dato' Seri Dr. Hilmi bin Haji Yahaya, Timbalan Menteri Kesihatan telah merasmikan Hari Sukan Negara Peringkat Kementerian Kesihatan Malaysia yang telah berlangsung di Ibu Pejabat KKM. Turut hadir ialah YBhg. Dato' Seri Dr. Chen Chaw Min, KSU. Sambutan Hari Sukan Negara ini merupakan suatu inisiatif Kementerian Belia dan Sukan di mana ia adalah satu langkah proaktif di dalam proses transformasi ke arah mencapai hasrat menjadikan Malaysia sebagai sebuah *Sporting Nation*. Hari Sukan Negara ini adalah penting di dalam usaha kerajaan menggalakkan rakyat menerapkan amalan budaya hidup cergas dan aktif memandangkan peratusan masyarakat Malaysia yang aktif bersukan masih lagi rendah iaitu pada kadar sekitar 40 peratus berbanding dengan 50 hingga 60 peratus di negara maju. Budaya sukan melalui amalan gaya hidup cergas dan aktif pada masa yang sama dapat membantu menurunkan kadar penyakit kronik di kalangan rakyat Malaysia.





Perak

Majlis Konvokesyen 2016 Institusi Latihan Kementerian Kesihatan Malaysia

Tarikh: 24 Oktober 2016
Tempat: Ulu Kinta, Perak

YBhg. Dato' Seri Dr. Chen Chaw Min, KSU telah merasmikan Majlis Konvokesyen 2016 Institut Latihan Kementerian Kesihatan Malaysia (ILKKM) bagi negeri Perak dan Sabah. Majlis konvokesyen kali ini bertemakan Kelestarian Ilmu dan Kemahiran Insaniah Teras Keunggulan Peribadi. Turut hadir ialah Encik Ellam Endim Nom, Setiausaha Bahagian Bahagian Pengurusan Latihan. Majlis konvokesyen ini bertujuan untuk mengiktiraf segala usaha yang telah dicurahkan para graduan demi mencapai segulung ijazah. KSU berharap pengiktirafan ini dapat memberi motivasi dan sebagai penyunting semangat kepada para graduan agar perkhidmatan kesihatan disampaikan dengan lebih baik dan berkualiti di masa hadapan.

Sabah

Tarikh: 6 Oktober 2016
Tempat: Kota Kinabalu, Sabah





Majlis Anugerah Kantin Bersih, Selamat dan Sihat Peringkat Kebangsaan 2016

Tarikh: 18 Oktober 2016

Tempat: Pusat Konvensyen Shah Alam (SACC), Selangor



YB Datuk Seri Dr. S. Subramaniam, Menteri Kesihatan telah merasmikan Majlis Anugerah Kantin Bersih, Selamat dan Sihat Peringkat Kebangsaan 2016. Turut hadir ialah YB Dato' P. Kamalanathan a/l P. Panchanathan, Timbalan Menteri Pendidikan dan YBhg. Datuk Dr. Lokman Hakim bin Sulaiman, TKPK (KA). Pertandingan Kantin Sekolah Bersih, Selamat dan Sihat merupakan salah satu inisiatif untuk menangani kes keracunan makanan yang kerap berlaku di sekolah.

Pertandingan tersebut bertujuan mempromosi keselamatan makanan supaya pengendali makanan mengamalkan tingkah laku yang positif dalam pengendalian makanan dan memastikan makanan yang dijual di kantin sekolah bersih dan selamat. YBMK turut melancarkan Garis Panduan Penyediaan Makanan Bersih dan Selamat di Kantin dan Dapur Asrama serta Modul Latihan Keselamatan Makanan dan Pemakanan untuk Penyelia Asrama.



5th International Conference On Major Incidence & Disaster Management 2016

Tarikh: 18 Oktober 2016

Tempat: MITC, Melaka

YBhg. Dato' Seri Dr. Chen Chaw Min, KSU telah merasmikan *International Conference On Major Incidence & Disaster Management 2016* di Melaka International Trade Centre. Turut hadir ialah YBhg. Datuk Dr. Ghazali bin Othman, Pengarah JKN Melaka, YBhg. Prof. Datuk Seri Dr. Abu Hassan Asaari Abdullah, Presiden Pertubuhan Malaysia bagi Traumatologi

dan Perubatan Kecemasan (Mastem) dan YBhg. Dato' Zaitun bt Ab Samad, Ketua Pengarah NADMA. Persidangan ini diadakan bertujuan untuk meningkatkan pengetahuan dan kemahiran serta sebagai platform bagi perkongsian maklumat terkini dalam bidang pengurusan bencana yang melibatkan pelbagai profesion dari hospital utama seluruh negara dan agensi-agensi lain yang terlibat.



Seminar Tahunan Kesihatan Puspanita

Tarikh: 20 Oktober 2016

Tempat: De' Seri Endon Puspanitapuri, Putrajaya

YBhg. Tan Sri Dr. Ali bin Hamsa, Ketua Setiausaha Negara (KSN) telah merasmikan Seminar Tahunan Kesihatan Puspanita. Turut hadir ialah YBhg. Puan Sri Datuk Rohani Abdullah, Yang Di-Pertua Puspanita dan YBhg. Dato' Seri Dr. Chen Chaw Min, KSU. Seminar yang bertemakan "*What You Need To Know About Cancer : Understanding Risk, Prevention & Alternative Treatments*" bertujuan untuk menyebarkan kesedaran tentang bahaya penyakit kanser yang menjadi pembunuh utama di dunia. YBhg. Tan Sri KSN dan YBhg. Puan Sri YDP Puspanita telah menyampaikan sumbangan seperti berikut:

- Aset bukan perubatan berjumlah RM10,700.00 kepada Hospital Putrajaya;
- Peralatan perubatan berjumlah RM40,100.00 kepada Hospital Kuala Kangsar; dan
- Satu (1) unit mesin dialisis berjumlah RM41,000.00



Seminar & Workshop Ibadah Friendly Hospital

Tarikh: 19 Oktober 2016

Tempat: UTM, Kuala Lumpur

YBhg. Datuk Dr. Noor Hisham Abdullah, KPK telah dijemput untuk menyampaikan ucpatama bertajuk "Cabaran dalam Hospital Rakan Pelaksana Ibadah".

Turut hadir ialah 500 profesional kesihatan bukan sahaja dari Malaysia malah dari Arab Saudi, Pakistan, Thailand, Indonesia, Jordan, Singapura, Afrika Selatan dan negara-negara lain. Tema acara tersebut adalah Hospital Mesra Ibadah dan dianjurkan oleh Hospital Islam Konsortium Malaysia (IHC). KKM telah melaksanakan Hospital Mesra Ibadah sejak 2014. KPK menyatakan bahawa menghargai dan menghormati kepercayaan pesakit, amalan sosiobudaya dan norma dianggap sebagai sebahagian daripada nilai-nilai yang tertanam dalam menegakkan aspek etika autonomi dalam penjagaan pesakit.



MAJLIS ANUGERAH MEDIA KESIHATAN 2016

Tarikh: 20 Oktober 2016

Tempat: Hotel Eastin, Kuala Lumpur

YB Dato' Seri Dr. S. Subramaniam, Menteri Kesihatan telah merasmikan Majlis Anugerah Media Kesihatan 2016. Turut hadir ialah YB Dato' Seri Dr. Hilmi bin Haji Yahaya, Timbalan Menteri Kesihatan, YBhg. Dato' Seri Dr. Chen Chaw Min, KSU dan YBhg. Dato' Dr. Noor Hisham Abdullah, KPK. Majlis anugerah ini diadakan selaras dengan usaha menghargai dan mengiktiraf peranan media dalam membantu KKM dalam menguar-uarkan isu berkaitan kesihatan kepada masyarakat umum.



Program Implan Koklea KKM, USM & UIAM

Tarikh: 6 Oktober 2016

Tempat: Hotel Double Tree Hilton, Kuala Lumpur

YB Dato' Seri Dr. Hilmi bin Haji Yahaya, Timbalan Menteri Kesihatan telah merasmikan Majlis Penerimaan sumbangan Koklea daripada Syarikat Leong Hup (M) Sdn. Bhd kepada KKM, Universiti Sains Malaysia dan Universiti Islam Antarabangsa Malaysia yang diadakan di Hotel Double Tree Hilton Kuala Lumpur. Turut hadir ialah Dr. Fatimah Amin, Ketua Unit Pembedahan dan Kecemasan Bahagian Perkembangan Perubatan dan En. Chew Eng Loke, Ketua Pegawai Kewangan Syarikat Leong Hup (M) Sdn. Bhd. YBTMK menyatakan

bahawa pemilihan calon Program Implan Koklea KKM akan diperketatkan mengikut kriteria-kriteria yang telah ditetapkan bagi menjamin kejayaan proses pemulihan penerima organ. Tambah beliau lagi penglibatan serta sumbangan syarikat swasta seumpama ini seharusnya diteruskan dan amat digalakkan sebagai langkah menyahut seruan kerajaan dalam menghasilkan jaringan positif antara sektor awam dan sektor swasta dalam meneruskan agenda transformasi negara.





Program Jom Sihat Sehari Bersama Kesihatan Warga Sekitar Ladang Palong Coco

Tarikh: 19 Oktober 2016

Tempat: Segamat, Johor

YB Datuk Seri Dr. S. Subramaniam, Menteri Kesihatan telah merasmikan Program Jom Sihat Sehari bersama kesihatan warga sekitar Ladang Palong Coco. Program ini bertujuan untuk menggalakkan masyarakat untuk mengamalkan gaya hidup sihat seperti bersenam dan mengamalkan pemakanan yang sihat terutamanya di peringkat sekolah. Pelbagai aktiviti diadakan seperti pemeriksaan kesihatan dan pameran kesihatan. Program tersebut mendapat sambutan yang menggalakkan daripada masyarakat setempat.



Lawatan Kerja ke Klinik Kesihatan Buntong

Tarikh: 24 Oktober 2016

Tempat: Ipoh, Perak

YBhg. Dato' Seri Dr. Chen Chaw Min, KSU telah mengadakan lawatan kerja ke Klinik Kesihatan Buntong. Turut hadir ialah Dr. Subashini a/p Ambigapathy, Pakar Perubatan Keluarga. Tujuan lawatan tersebut ialah memantau fasiliti

kesihatan di klinik tersebut dan YBhg. Dato' Seri KSU berkesempatan melawat ke bilik X-ray Bahagian Pergigian yang pernah mengalami kebakaran. Kerja-kerja pembaikan telah mula dijalankan dan dijangka akan selesai pada hujung tahun 2016.

Perasmian Hari Penglihatan Sedunia Peringkat Kebangsaan 2016

Tarikh: 13 Oktober 2016
Tempat: Tunjung, Kelantan

YB Dato' Seri Dr. Hilmi bin Haji Yahaya, Timbalan Menteri Kesihatan telah mewakili YB Menteri Kesihatan merasmikan Hari Penglihatan Sedunia 2016 Peringkat Kebangsaan. Turut hadir ialah YBhg. Dato' Dr. Ahmad Razin bin Dato' Haji Ahmad Mahir,

Kesihatan Negeri Kelantan dan Datuk Makhtar Mustapha, Jabatan Pembangunan Persekutuan (JPP) Kelantan. YBTMK menyatakan bahawa berdasarkan gaya hidup masyarakat Malaysia ketika ini, KKM menjangkakan jumlah pesakit katarak akan meningkat

sehingga 1.3 juta orang dalam tempoh 10 tahun akan datang. Menurut beliau KKM menyediakan perkhidmatan rawatan katarak di 40 buah hospital pakar di seluruh negara dengan anggaran pembedahan sehingga 50,000 kes katarak setahun.



Majlis Jasamu Dikenang

Tarikh: 17 Oktober 2016
Tempat: Hotel Concorde, Shah Alam



YBhg. Datuk Dr. Noor Hisham Abdullah, KPK telah meraihan Majlis Jasamu Dikenang. Turut hadir ialah YBhg. Dato' Dr. Zainal Ariffin Omar, mantan Pengarah Kesihatan Negeri Pahang, YBhg. Datuk Dr. Narimah Nor Yahya, mantan Pengarah Kesihatan Kuala Lumpur & Putrajaya Persekutuan Negeri, YBhg. Dato' Tan Yoke Hwa, mantan Pengarah Bahagian Sains Kesihatan Bersekutu dan Dr. Amiruddin Hisan, Pengarah Bahagian Telekesihatan. KKM amat berterima kasih dan menghargai jasa individu-individu tersebut yang telah memberi perkhidmatan melebihi 30 tahun ke arah menambah baik dasar penjagaan kesihatan dan perkhidmatan di Malaysia.





JOINT CONGRESS OF APAAACI & APAPARI 2016

Tarikh: 17 Oktober 2016

Tempat: Hotel Shangri-La, Kuala Lumpur

YB Datuk Seri Dr. S. Subramaniam, Menteri Kesihatan telah merasmikan *Joint Congress of Asia Pacific Association of Allergy, Asthma and Clinical Immunology (APAAACI) & Asia Pacific Association of Pediatric Allergy, Respiriology & Immunology (APAPARI) 2016*. Tema kongres tahun ini ialah *"The Era of Allergy: Local and Global Insights and Intervention"*. Tujuan kongres bersama APAAACI dan APAPARI 2016 adalah untuk mewujudkan satu platform untuk pertukaran pengetahuan berkenaan alergi, asma, dan imunologi klinikal di rantau ini. Adalah menjadi harapan *Malaysian Society of Allergy and Immunology (MSAI)* bahawa kongres akan menggalakkan kajian, pencegahan dan rawatan alahan, asma dan penyakit imun-pengantara dengan penekanan khusus kepada masalah terutamanya di rantau ini.



Lawatan Kerja ke Hospital Serdang

Tarikh: 20 Oktober 2016

Tempat: Serdang, Selangor

YB Datuk Seri Dr. S. Subramaniam, Menteri Kesihatan telah mengadakan lawatan kerja ke Hospital Serdang. Turut hadir ialah YBhg. Dato' Dr. Hajah Zailan bt Dato' Haji Adnan, Pengarah JKN Selangor dan Dr. Rohana bt Johan, Pengarah Hospital Serdang. Lawatan bertujuan untuk memantau fasiliti kesihatan yang terdapat di hospital Serdang. Menjelang bulan Februari 2017, kerajaan merancang untuk menambah kemudahan fasiliti kesihatan agar kualiti penyampaian perkhidmatan kesihatan bertambah baik dari semasa ke semasa. Sebuah hospital baru akan dibangunkan bersebelahan Hospital Serdang iaitu Hospital Universiti Putra Malaysia yang mempunyai 400 buah katil dan dilengkapi kemudahan terkini. YBMK berharap penduduk di sekitar hospital tersebut akan menikmati kemudahan perkhidmatan kesihatan di kedua-dua hospital tersebut.




Perasmian Hari Bersama Pelanggan Hospital Ampang

Tarikh: 26 Oktober 2016

Tempat: Serdang, Selangor

YB Dato' Seri Dr. Hilmi bin Haji Yahaya, Timbalan Menteri Kesihatan telah merasmikan Hari Bersama Pelanggan Hospital Ampang. Turut hadir ialah Dato' Dr. Aishah bt. Ahmad Makinuddin, Pengarah Hospital Ampang dan juga ahli-ahli Lembaga Pelawat Hospital. Program ini adalah anjuran Ahli Lembaga Pelawat dan Persatuan Sukarelawan Hospital Ampang. YBTMK mengharapkan agar semua Ahli Lembaga Pelawat di hospital-hospital lain seluruh negara aktif dan membantu pihak hospital dalam menjayakan aktiviti.



4th Asia-Pacific International Food Safety Conference and 7th Asian Conference on Food and Nutrition Safety

Tarikh: 11 Oktober 2016

Tempat: Hotel St. Giles The Wembley, Pulau Pinang

YB Dato' Seri Dr. Hilmi bin Haji Yahaya, Timbalan Menteri Kesihatan telah menghadiri *4th Asia-Pacific International Food Safety Conference and 7th Asian Conference on Food and Nutrition Safety*. Turut hadir ialah Puan Noraini Binti Dato' Mohd Othman, Pengarah Kanan Keselamatan dan Kualiti Makanan. Persidangan tersebut dianjurkan oleh Persatuan Asia

Tenggara bagi Perlindungan Makanan (Affiliate IAFP) dan ILSI SEA Region. Persidangan dan bengkel latihan serentak membawa bersama pakar-pakar dan pihak berkepentingan dari industri, ahli akademik dan kerajaan untuk menangani isu-isu saintifik dan teknikal yang berkaitan yang memberi kesan kepada keselamatan rantai bekalan makanan.



Lawatan Kerja ke *Hospital Kuala Lumpur*

Tarikh: 21 Oktober 2016

Tempat: Hospital Kuala Lumpur, Kuala Lumpur

YBhg. Datuk Dr. Noor Hisham Abdullah, KPK telah membuat lawatan tapak ke hospital yang dalam fasa terakhir pembinaan Hospital Wanita dan kanak-kanak di HKL. Hospital ini bakal mempunyai 600 katil dan telah dibina di kawasan tanah kosong di dalam kawasan Hospital Kuala Lumpur. KPK diberi taklimat mengenai status pembinaan dan melihat perkembangan terkini serta pelbagai peralatan yang telah ditempatkan di hospital tersebut. Projek tersebut dijangka siap pada awal tahun 2017 dan merupakan salah satu projek menaiktaraf HKL sebagai Hospital Premier seperti yang diumumkan oleh YAB Perdana Menteri sebelum ini.



Lawatan Kerja ke **HOSPITAL PUTRAJAYA**

Tarikh: 28 Oktober 2016

Tempat: Hospital Putrajaya, Putrajaya

YBhg. Datuk Dr. Noor Hisham Abdullah, KPK telah melakukan lawatan ke blok Pediatrik dan Bersalin di Hospital Putrajaya. Turut hadir Datuk Dr. Nora'i bt Mohd Said, Pengarah Hospital Putrajaya. Blok Pediatrik dan Bersalin tersebut telah diubahsuai dan ditukar untuk menampung 36 katil bersalin dan 20 katil *Special Care Nursery*. Projek tersebut bertujuan untuk mengurangkan kesesakan blok utama dan untuk menampung saiz penduduk yang semakin berkembang di Putrajaya. Projek kemajuan blok tersebut menelan belanja RM16 juta dan dijangka akan beroperasi pada Januari 2017.



PEGAWAI YANG DINAIKKAN PANGKAT (GRED 54 KE ATAS)**DR. FAZILAH BINTI SHAIK ALLAUDIN**

Jawatan / Tempat : PEGAWAI PERUBATAN PENTADBIR / KLINIKAL
GRED UTAMA C
BAHAGIAN TELEKESIHATAN
Gelaran : PENGARAH
Tarikh : 26 OKTOBER 2016

**ROSENA BINTI ABDUL GHANI**

Jawatan / Tempat : JURURAWAT
GRED U54
BAHAGIAN KEJURURAWATAN
Gelaran : PENGARAH
Tarikh : 17 OKTOBER 2016

PEGAWAI YANG BERTUKAR MASUK (GRED 54 KE ATAS)**TUAN MOHAMMAD SOIB BIN HJ. ABDULLAH**

Jawatan / Tempat : PEGAWAI SIASATAN
GRED P54
UNIT INTEGRITI
Gelaran : KETUA UNIT INTEGRITI
Tarikh : 1 OKTOBER 2016

**ENCIK MAZLAN BIN OTHMAN @ MOHD**

Jawatan / Tempat : PEGAWAI TADBIR & DIPLOMATIK
GRED M54
BAHAGIAN PEMBANGUNAN
Gelaran : TIMBALAN SETIAUSAHA BAHAGIAN
Tarikh : 4 OKTOBER 2016

**DR. NORLI BINTI ABDUL JABBAR**

Jawatan / Tempat : PAKAR PERUBATAN KESIHATAN AWAM / PEGAWAI PERUBATAN
GRED UD 54
BAHAGIAN KAWALAN PENYAKIT
Gelaran : KETUA PENOLONG PENGARAH KANAN
Tarikh : 4 OKTOBER 2016

**DR. ZULHIZZAM BIN HJ. ABDULLAH**

Jawatan / Tempat : PAKAR PERUBATAN KESIHATAN AWAM / PEGAWAI PERUBATAN
GRED UD 54
BAHAGIAN PERKEMBANGAN KESIHATAN AWAM
Gelaran : KETUA PENOLONG PENGARAH KANAN
Tarikh : 17 OKTOBER 2016

PEGAWAI YANG BERTUKAR KELUAR (GRED 54 KE ATAS)**DR. ZAILIZA BINTI SULI**

Jawatan / Tempat : PAKAR PERUBATAN KESIHATAN AWAM
GRED UD54
PEJABAT KESIHATAN DAERAH HULU LANGAT
Gelaran : KETUA BAHAGIAN
Tarikh : 17 OKTOBER 2016

**DR. FAUZIAH BINTI ABDULLAH**

Jawatan / Tempat : PAKAR PERUBATAN KESIHATAN AWAM
GRED UD54
JABATAN KESIHATAN WILAYAH PERSEKUTUAN
KUALA LUMPUR DAN PUTRAJAYA
Gelaran : KETUA PENOLONG PENGARAH KANAN
Tarikh : 17 OKTOBER 2016

**DR. ISMUNI BIN BOHARI**

Jawatan / Tempat : PAKAR PERUBATAN KESIHATAN AWAM / PEGAWAI PERUBATAN
GRED UD54
JABATAN KESIHATAN WILAYAH PERSEKUTUAN LABUAN
Gelaran : PENGARAH KESIHATAN WILAYAH PERSEKUTUAN LABUAN
Tarikh : 17 OKTOBER 2016

PEGAWAI YANG BERSARA GRED 54 KE ATAS)**YBHG. DATO' TAN YOKE HWA**

Jawatan / Tempat : PEGAWAI DIETETIK
GRED UTAMA C
BAHAGIAN SAINS KESIHATAN BERSEKUTU

Tarikh bersara : 04.10.2016 (BERSARA WAJIB)

Anugerah / pingat : D.I.M.P 2012, A.P.C 2004

Tempoh perkhidmatan : 25.05.1980 HINGGA 03.10.2016
36 TAHUN 4 BULAN

**DR. AMIRUDDIN BIN HISAN @ MOHD IHSAN**

Jawatan / Tempat : PEGAWAI PERUBATAN
GRED JUSA C
BAHAGIAN TELEKESIHATAN

Tarikh bersara : 25.10.2016 (BERSARA WAJIB)

Anugerah / pingat : K.M.N 2012

Tempoh perkhidmatan : 03.05.1982 HINGGA 24.10.2016
34 TAHUN 5 BULAN

PENASIHAT**KETUA SETIAUSAHA**

YBhg. Dato' Seri Dr. Chen Chaw Min

KETUA PENGARAH KESIHATAN

YBhg. Datuk Dr. Noor Hisham Abdullah

TIMBALAN KETUA SETIAUSAHA (P)

YBhg. Dato' Saiful Anuar bin Lebai Hussien

PENGARANG

Za'aba bin Haji Abu Bakar
Mona Ang
Mohd Iswandy bin Wally

PENYUMBANG ARTIKEL

Pejabat Ketua Setiausaha
Pejabat Ketua Pengarah Kesihatan
Bahagian Khidmat Pengurusan
Unit Komunikasi Korporat